

AMP luaskan pemberian biasiswa pendidikan

ANGKATAN Karyawan Islam (AMP) akan meluaskan pemberian Biasiswa Pendidikan AMP kepada lebih ramai golongan pelajar tahun ini.

Biasiswa itu diluaskan kepada pelajar diploma sepenuh masa dari Maktab Seni LaSalle dan Akademi Seni Halus Nanyang (Nafa), selain mahasiswa sepenuh masa dan separuh masa dari institusi-institusi pendidikan swasta yang diiktiraf di Singapura.

Ini dinyatakan AMP dalam satu kenyataan semalam.

Biasiswa Pendidikan AMP yang diperluaskan itu bertujuan membantu pelajar peringkat pengajian tinggi daripada keluarga berpendapatan rendah.

AMP berkata, permohonan boleh dilakukan mulai Khamis ini. Pelajar diploma dan ijazah sepenuh masa mesti \daripada keluarga pendapatan bulanan tidak melebihi \$3,500 dan pendapatan perkapita tidak melebihi \$700.

Bagi yang mengikuti pengajian ijazah separuh masa, mereka perlu berusia 30 tahun dan ke bawah dengan pendapatan peribadi tidak melebihi \$2,500 sebulan.

Borang boleh dimuat turun dari laman RFS di www.amp-rfs.sg. Ia juga boleh diambil di pejabat AMP di Pasir Ris, 1 Pasir Ris Drive, #05-11, atau di Pusat Membeli-Belah Jurong Point, 1 Jurong West Central 2, #06-02.

Semua borang permohonan yang telah diisi dihantar ke pejabat AMP di Pasir Ris sebelum 30 April ini. Untuk keterangan lanjut, sila hubungi Cik Noraqilah di talian 6416-1425 atau emel kepada noraqilah@amp.org.sg